

# Эдл-аху болгын малдан силос белдх зурагын күцэх зөвтэ

Мал өсклгын цааранднь гэрүүлгын — йилгын гидг государственн эрхн чинртэ тэр болджана, — гидж КПСС-н июньск Пленумин шиидврт заагддж келгддженэ.

Амн болгын тоод мах, үс, болн тос гаргылгьарн өөрхн джилмүдин эргид США-г күцдх авхмн — гидж парть болн правительств тавсн төриг күцэлгынэ түйкүрнэ — мал өсклгын болджана. «Мал асрхла — амн тоста» гигьад келгьсн хуучна хальмг ухата үлгүр бээдг биший.

Болв мал эврэн аюдан өсэд, шим-шүүс заядар өгэд бээшгонь кенд болв чигн ил. Малин тоог олдулдж, гару уга өлгөдх, өгдг шим-шүүсинь икдүлхин кергт малдан элвг хот-хол белддж авх кергтэ мөн. Терүнэ төлэ кегч ноолдан ода мана таньгьчин теегэр өдр-сө гилго делгрдж кегддж йовна, энүнд ик-багь уга, көгшн-бичкн уга — цугьар маля даахарн гүдждж орлцдж йовна.

Малдан хойр джилд күрх хот белдхмн! — гисн үгмүд ода цугьаран амнд давтгдна.

Малин эрхн чинртэ нег хотнэ — силос болджана. Мана таньгьчин колхозмуд болн совхозмуд эн джил үкр болгынд 15 тонн, кичглх гаха болгынд 4 тонн, хон болгынд 2,5 центнер силос белддж авх даалгьвр Төрскнннн өмн авв. Эн — күцэх бээтхэ, нам давулдж күцэдх болмтөр. Эн джилин өвснэ авртэ омлгын ургьцас талдан, таньгьчар тэргдсн эрдни-шишэн ургьц дегд гидг айта сэн.

Эрдни-шишэ тэргдсн алык колхозин, алык-совхозин теегин захд одв чигн, ургьц күн турш өндр, сагсигьад бээнэ. Иим айта гидг сэн ургьцас гектараснь ядхдан 300 центнер көк ургьц хаддж, силос дардж болхмн.

Болв, ода бээх тоогьар болхла, силос дарх цагнь ирчкн болдг болв чигн, эн көдлмш күцэмдхтэ сэнэр кегддж йовна гидж келдж болшго. Июль сарин 10 күртл таньгьчар 13261 тонн силос даргддж. Иосар болхла 600 мингьгын тонн күргдх дарх силосас ода күртл иимхн то күцэгднэ гисн — седклд төвкнмдхтэ тэр биш.

Силос дарлгьна көдлмшарн Приютненск район наадк ра-

йодасн аргьта йовна. Эн района колхозмуднь 280 тонн, совхозмуднь 4668 тонн силос дарв. Яшалтинск района колхозмуд 2834 тонн силос дарв. Целинн района совхозмуд 2543 тонн силос дарв.

Эн көдлмш Западн, Сарпинск, Юстинск райодт йир хашнгар кегддж йовна. Заагдсн райодин колхозмуд болн совхозмуд өвс хадлгьна болн тэрэ хуралгьна көдлмшт цуг оньган өгэд ширтэд, зуунрчкад, селэнэ эдл-ахун эрхн чинртэ силос дарлгьна көдлмшт тэрүц оньг өгчэцхэхмн уга. Улгүрнэ, таньгьчд амтин ик селэнэ эдл-ахута Сарпинск район ода күртл силос дарлгьг йосн кевэр арднэ ордж кегьад угаг талданар цээлгьдг үүдн гидж тэрүц уга.

Эн джил силос нургьлдж эрдни-шишэгьар даргдхмн. Эрдни-шишэ ода өндрдэд, цаглад, силос дархд дигтэ кемдэн күрчэнэ. Эн шимтэ, сэн элвг ургьциг дигтэ сэн, цаглань силост олзлхин төлэ ода цуг аргьинь хээх кергтэ. Силосиг урднэ бээсн, шин малтсн нүкт булснас талдан, ода альд болв чигн таасгддж, өргэр олзлгддж йовх газр деер силос дарлгьна эв-аргьг өргэр олзлх кергтэ.

Силос дарлгьнд шишлнэ көдлджэх улсас талдан, эн көдлмшт малчнриг, саальчнриг, фермсэр көдлджэх улсиг, көлгдиг өргэр орлулдгн аргь хээх кергтэ.

Силосн культур хаддж көдлджэх машинин көдлмшин чинринь өөдлүлдж, телнд көдлджэх улс дунд социалистическ дөрлдэ өргэр делгүллгьнд берк гидг оньг өгдх зөвтэ.

Мана орн-нутгин селэнэ эдл-ахун көдлчнр ода авртэ гидг өргмдхтэ бээнэ. КПСС-н ЦК-н июньск Пленумин шиидврмүд болн «Эрк биш өгдг тавциг болн МТС-н көдлмшин төлэ натуроплат өгдгиг уурулхин тускар, селэнэ эдл-ахун хот-хол белдлгьнэ шин дигдарана, үнин болн условийн тускар» гаргьсн СССР-н правительствин токтавр — селэнэ эдл-ахун цаарандк өсдх делгрлtd шин, өргн үүдинь севкв.

Хальмг таньгьчин күч-көлсчнр! Авсн даалгьврэн күцэдх, олна малдан элвг, сэн шимтэ силос дардж авч, шимтэ өөкнэ, таргьн махна, джөөлн өрмин, амтэхн үснэ булгиг улм күчтэгьар турглулхд бээсн чидларн орлцхатн!